



FEDERATA E BASKETBOLLIT TË KOSOVËS  
KOSOVO BASKETBALL FEDERATION  
KOŠARKAŠKI SAVEZ KOSOVA

**RREGULLORJA E GARAVE  
E FEDERATËS SË BASKETBOLLIT TË KOSOVËS**

**PRISHTINË**

**TETOR 2020**

Në bazë të Nenit 21.1. p të Statutit të Federatës së Basketbollit të Kosovës, Bordi i FBK-së më ... Tetor 2020. Miraton

**RREGULLOREN E GARAVE  
TË FEDERATËS SË BASKETBOLLIT TË KOSOVËS**

## **1. DISPOZITAT THEMELORE**

### **Neni 1**

Me këtë Rregullore përcaktohen rregullat për organizata, zbatimin dhe organizimin e të gjitha garave në kuadër të Federatës së Basketollit të Kosovës (në tekstin e më tutjeshëm: FBK).

### **Neni 2**

Kjo Rregullore i përcakton rregullat themelore për të gjitha garat dhe paraqet bazën për zgjedhjen e të gjitha çështjeve në lidhje me gara.

Garat e basketbollit organizohen për:

2.1. Sportistët/et, të cilët aktivitetin e tyre si basketbollistë/e e realizojnë në mënyrë amatore;

2.2. Sportistët/et, të cilët aktivitetin e tyre si basketbollist/e e realizojnë në mënyrë profesionale.

### **Neni 3**

Të drejtat, obligimet dhe përgjegjësitë e të gjithë pjesëmarrësve në gara, marrëdhëniet e tyre reciproke, të drejtat dhe obligimet e personave zyrtarë në gara, veçoritë në disa gara, si dhe çështjet tjera të cilat kanë të bëjnë me gara, përcaktohen me rregullore të posaçme: Propozicione të Garave e cila duhet të jetë në harmoni me dispozitat e kësaj Rregulloreje.

Nga edicioni 2018-2019, e drejta e garimit të cilitdo anëtar të FBK-së në garat e organizuara nga FBK-ja do t'i mohohet nëse klubi ka çfarëdo borxhi të dokumentuar ndaj FIBA-s, FIBA Evropës, apo ndonjë entiteti tjetër përgjegjës për organizimin e garave ndërkombetare të basketbollit të njohur nga FIBA.

Asnjë anëtar i FBK-së nuk do të mund të marrë pjesë në garat e organizuara nga FBK në rast se FBK është ngarkuar me çfarëdo dënimi, gjobë, pagesë, faturë apo ngarkesë tjetër si rrjedhojë e veprimit apo mosveprimit të klubit në fjalë kundrejt obligimeve të veta ndaj FIBA-s, FIBA Evropës, apo cilitdo entiteti tjetër përgjegjës për organizimin e garave ndërkombetare të njohura nga FIBA. E drejta për të marrë pjesë në gara mund të rifitohet pas kompensimit nga klubi të të gjitha pagesave dhe shpenzimeve të tjera administrative, të cilat i janë ngarkuar FBK-së si rrjedhojë e veprimit apo mosveprimit të klubit sipas këtij Neni.

Në raste të shfaqjes së fuqisë madhore, përfshirë mes tjerash fatkeqësitë natyrore, epidemitë dhe pandemitë, gjendjen e jashtëzakonshme të shprehur apo të nënkuptuar, si dhe çfarëdo situatë të ngjashme që rezulton me nevojën për të ndërprerë garat, Bordi i FBK-së mund të bëjë ndryshimin emergjent të Propozicioneve të Garave dhe sistemit të garave, duke interpretuar situatën e krijuar dhe vendosur në baza meritore për pezullimin, ndërprerjen e plotë, ndërprerjen e pjesërishtme, riprogramimin e garave, anulimin e tërësishëm të stinorit, apo ripërcaktimin e kalendarit të garave apo termineve të zhvillimit të ndeshjeve,

përfshirë edhe marrjen e vendimit për shpalljen e renditjes përfundimtare për secilin nivel të garave dhe ngritjen apo rënien nga niveli i garave.

#### **Neni 4**

Udhëheqja e të gjitha garave në territorin e Republikës së Kosovës është në autorizim të Bordit të FBK-së.

Për udhëheqjen e drejtpërdrejt të garave Bordi i FBK-së emëron Komesarin e Garave, i cili udhëheq me të gjitha garat e seniorëve dhe senioreve, si dhe të kategorive të reja.

#### **Neni 5**

Të gjitha garat zhvillohen në harmoni me dispozitat e Rregullave zyrtare të Basketbollit të nxjerrura nga Federata Ndërkombëtare e Basketbollit – FIBA, interpretimin e të cilave e jep FIBA Instruktori Nacional i FBK-së në Republikën e Kosovës.

#### **Neni 6**

Komesari i Garave i përgatit Propozicionet e Garave në bazë të dispozitave të kësaj Rregulloreje, për të gjitha garat e kategorive për senior, seniore dhe të kategorive të reja.

Propozicionet e Garave i miraton Bordi i FBK-së.

#### **Neni 7**

Klubet janë të obliguara që të kryejnë kontrollin dhe mbrojtjen shëndetsore të lojtarëve dhe trajnerëve.

#### **Neni 8**

Klubi, lojtari (lojtarët) i të cilit merr pjesë (marrin pjesë) në përbërje të cilësdo përzgjedhje, ka të drejtë të shtyjë ndeshjen kampionale apo të Kupës.

## **2. SISTEMI DHE KALENDARI I GARAVE**

#### **Neni 9**

Sistemin e garave në të gjitha nivelet e Republikës së Kosovës dhe numrin e ekipeve pjesëmarrëse për çdo nivel veç e veç e përcakton Bordi i FBK-së, në propozim të Këshillit Profesional dhe Komesarit të Garave.

Vendimi mbi sistemin e garave duhet të merret para fillimit të sezonit (edicionit) garues.

Sistemi i garave është pjesë përbërëse e Propozicioneve të Garave.

### **Konkurrenca e meshkujve (Seniorët)**

#### **Superliga**

Në edicionin garues 2020/21 Superliga përbëhet prej tetë ekipeve: Bashkimi, Sigal Prishtina, Peja, Trepça, Rahoveci, Golden Eagle Ylli, Ponte Prizreni dhe Vëllaznimi.

Para fillimit të edicionit 2020/21 do të zhvillohen ndeshjet e Superkupës së Kosovës ndërmjet 8 ekipeve pjesëmarrëse të Superligës dhe finalja në konkurrencën e femrave.

Superliga do të zhvillohet me sistem të dyfishtë të garave (vajtje-ardhje) në pjesën vjeshtore dhe sistem të dyfishtë (vajtje-ardhje) në pjesën pranverore. Pas përfundimit të edicionit të rregullt (28 xhiro) gjashtë ekipet e para plasohen në play-off.

Në raundin e parë ekipet do të ndeshen 3-6 dhe 4-5 deri në dy fitore, kurse ekipet e renditura në pozitat 1 dhe 2 në raundin e parë do të pushojnë dhe në gjysmëfinale do të takohen me ekipet nga renditja 3/4/5/6. Ndeshjet e play off-it do të zhvillohen të dielën, të martën dhe të premten në vazhdimësi pa ndërprerje nëse nuk vjen deri të zhvillimi i ndeshjes së fundit Konform PG.

Skuadra e cila renditet si e shtata në tabelë do të luajë në play-out me finalistin e Ligës së Parë në dy ndeshje dhe anëtar i ri i Superligës së Kosovës do të shpallet ekipi, i cili nga dy ndeshjet ka rezultatin më të mirë në koshdallim. Nikoqire e ndeshjes së dytë do të jetë skuadra, e cila është e renditura si e parafundit në Superligë. Në këtë propozim ndeshjet në play-out mund të ndodhë të perfundojnë me rezultat të barabartë dhe të mos ketë vazhdim të ndeshjes. Vazhdime do të ketë vetëm në rast se në ndeshjen e dytë, fundi i ndeshjes është me të njëjtin koshdallim, si nga ndeshja e parë. Ekipi i fundit pas sezonit të rregullt bie në Ligën e Parë të Kosovës.

Gjysmëfinalet e play-offit zhvillohen sipas formulës 1 vs 4-5 , 2 vs 3-6. Plasmanin në finale e siguron ekipi që i pari arrin 3 fitore. Gjysmëfinalet zhvillohen sipas formatit 2-2-1 dhe epërsinë e terrenit vendës e ka ekipi më lartë i plasuar në edicionin e rregullt.

Në finale të play-offit takohen ekipet fituese të gjysmëfinaleve. Kampion i Superligës shpallet ekipi që i pari arrin tri fitore. Finalja e play-offit zhvillohet sipas formatit vajtje-ardhje. Përparësinë e terrenit vendës e ka ekipi që ka qenë më mirë i renditur në edicionin e rregullt dhe luan si vendës në ndeshjet 1 dhe 3 dhe ndeshjen eventuale 5. Ndeshjet e play off-it do të zhvillohen të dielën, të martën dhe të premten në vazhdimësi pa ndërprerje nëse nuk vjen deri të zhvillimi i ndeshjes së fundit Konform PG.

### **Liga e Parë e Meshkujve**

Në edicionin garues 2020/21 Liga e Parë e Meshkujve do të përbëhet prej 10 ekipeve të renditura më mirë në edicionin garues 2019/2020 e ato janë: RC COLA DRITA, ISTOGU, FERONIKELI, MARIGONA HILL PRISHTINA, PRISHTINA RE, LIPJANI, VUSHTRRIA, AS PRISHTINA, NEW BASKET, MEGASPORTS. Çdo ekip duhet t'i ketë 6 lojtarë të lindur më 1999 ose më të rinj në Listën Paraqitëse nëse ka të paraqitur 12 lojtarë, 6 lojtarë nëse ka të paraqitur 11 lojtarë dhe 6 lojtarë nëse ka të paraqitur 10 lojtarë. Në këtë rang ekipet do të bëjnë gara me sistem të dyfishtë

(vajtje-ardhje) gjithsej 18 xhiro, kurse pas përfundimit të sezonit të rregullt, katër ekipet më së miri të renditura në tabelë, do të plasohen në play-off.

Në gjysmëfinale do të takohen ekipet 1-4 dhe 2-3 deri në dy fitore (maksimum tri ndeshje).

Kampion i Ligës së Parë do të shpallet ekipi i cili së pari arrin në dy fitore (maksimumi tri ndeshje).

Skuadra finaliste e Ligës së Parë do të luajë në play-out me ekipin e 7 të renditur në Superligë deri në dy ndeshje dhe anëtar i Superligës shpallet ekipi i cili nga dy ndeshjet ka rezultatin më të mirë në koshdallim. Zhvillimin e ndeshjes së dytë do ta bëjë ekipi i cili është renditur si i parafundit në Superligë.

Ekipi i cili është renditur si i parafundit do të luajë në play-out me finalistin e Ligës së Dytë, kurse skuadra e cila është e renditur si e fundit pas sezonit të rregullt bie në Ligën e Dytë të Kosovës në basketboll. Zhvillimin e ndeshjes së dytë do ta bëjë ekipi i cili është renditur si i parafundit në Ligën e Parë.

Në këtë propozim ndeshjet në play-out mund të ndodh të përfundojnë me rezultat të barabartë dhe të mos ketë vazhdim të ndeshjes. Vazhdime do të ketë vetëm në rast se në ndeshjen e dytë fundi i ndeshjes është me të njëjtin koshdallim si nga ndeshja e parë.

### **Liga e Dytë e Meshkujve**

Liga e Dytë e Meshkujve përbëhet nga ekipet: LLAPI, GJAKOVA, FUSHË KOSOVA, GJAKOVA E RE, VJOSA, SFERA, UNITED BASKETBALL, DARDANËT, KAÇANIKU, DUKAGJINI dhe BOREA, për gara në edicionin 2020/21.

Në këtë rang ekipet do të bëjnë gara me sistem të dyfishtë (vajtje-ardhje) gjithsej 22 xhiro, kurse pas përfundimit të sezonit të rregullt, katër ekipet më së miri të renditura në tabelë, do të plasohen në play-off.

Në gjysmëfinale do të takohen ekipet 1-4 dhe 2-3 deri në dy fitore (maksimum tri ndeshje).

Kampion i Ligës së Dytë do të shpallet skuadra, e cila së pari arrin në dy fitore (maksimumi tri ndeshje).

Ekipi finalist i Ligës së Dytë do të luajë në play-out me ekipin e 9 të renditur në Ligën e Parë deri në dy ndeshje dhe anëtar i Ligës së Parë do të bëhet skuadra e cila nga dy ndeshjet ka rezultatin më të mirë në koshdallim. Zhvillimin e ndeshjes së dytë do ta bëjë skuadra e cila është e renditur si e parafundit në Ligën e Parë.

Në këtë propozim ndeshjet në play-out mund të ndodhë të përfundojnë me rezultat të barabartë dhe të mos ketë vazhdim të ndeshjes. Vazhdime do të ketë vetëm në rast se në ndeshjen e dytë fundi i ndeshjes është me të njëjtin koshdallim si nga ndeshja e parë.

### **Konkurrenca e femrave – Senioret**

**Superliga e Femrave:** E përbërë nga gjashtë ekipe, garat do të zhvillohen sipas sistemit të Bergerit të dyfishtë vajtje-ardhje.

Gjysmëfinalët e play-offit zhvillohen sipas formulës 1 vs 4, 2 vs 3. Në finale plasohet ekipi që i pari arrin 2 fitore.

Gjysmëfinalet zhvillohen sipas formatit vajtje-ardhje. Ekipi më lart i renditur në sezonin e rregullt e ka epërsinë e terrenit vendës dhe luan si vendës në ndeshjen 1 dhe ndeshjen eventuale 3.

Në finale të play-offit takohen ekipet fituese të gjysmëfinaleve. Kampion i Ligës së Femrave shpallet ekipi që i pari arrin tri fitore. Finalja e play-offit zhvillohet sipas formatit vajtje-ardhje. Ekipi më lart i renditur në sezonin e rregullt e ka epërsinë e terrenit vendës dhe luan si vendës në ndeshjen 1 - 3 dhe ndeshjen eventuale 5.

**Liga e Parë e Femrave:** E përbërë nga tetë ekipe, garat do të zhvillohen sipas sistemit të Bergerit të dyfishtë vajtje-ardhje.

Gjysmëfinalet e play-offit zhvillohen sipas formulës 1 vs 4, 2 vs 3. Në finale plasohet ekipi që i pari arrin 2 fitore.

Gjysmëfinalet zhvillohen sipas formatit vajtje-ardhje. Ekipi më lart i ranguar në sezonin e rregullt e ka epërsinë e terrenit vendës dhe luan si vendës në ndeshjen 1 dhe ndeshjen eventuale 3.

Në finale të play-offit takohen ekipet fituese të gjysmëfinaleve. Kampion i Ligës së Femrave shpallet ekipi që i pari arrin dy fitore. Finalja e play-offit zhvillohet sipas formatit vajtje-ardhje. Ekipi më lart i ranguar në sezonin e rregullt e ka epërsinë e terrenit vendës dhe luan si vendës në ndeshjen 1-3.

## **Neni 11**

Ndeshjet në organizim të FBK-së zhvillohen:

### **11.1. Sipas sistemit të dyfishtë të pikave**

Ndeshjet në liga zhvillohen që secili ekip një herë është vendas në fushën e vet dhe një herë si mysafir në fushën e ekipit kundërshtar, varësisht nga sistemi i garave. Fusha për zhvillimin e ndeshjes si vendas mund të jetë edhe në qytetin nga i cili është ekipi kundërshtar, por nuk mund të jetë salla në të cilën i zhvillon ndeshjet si vendas.

Orari i ndeshjeve përpilohet në bazë të tabelave të Bergerit, të programuara për numër të caktuar të pjesëmarrësve, në varshmëri prej numrit të ekipeve për çdo ligë. Numrat garues të klubeve fitohen me anë të tërheqjes së shortit para fillimit të garave apo edhe sipas renditjes në sezonin (edicionin) e kaluar.

### **11.2. Sipas sistemit të njëfishtë të pikave-turneu**

Në rast se zhvillohet vetëm një ndeshje, fusha mund të caktohet në bazë të plasmanit të ekipit apo me anë të tërheqjes së shortit.

### **11.3. Kupa e Kosovës**

Ndeshjet e Kupës së Kosovës zhvillohen sipas Propozicioneve të Garave për Kupën e Kosovës të cilat Aprovohen nga Bordi i FBK-së para çdo edicioni.

### **11.4. Play-off i ndeshjeve**

Ekipe të reja do të zhvillojnë numër të nevojshëm të ndeshjeve, të përcaktuar me sistemin e ndeshjeve para fillimit të sezonit sipas sistemit më i mirë në dy, në tri apo pesë ndeshje.

### **3. ORGANIZIMI I NDESHJEVE**

#### **Neni 12**

Garat kampionale dhe garat për Kupë në kategoritë e seniorëve-eve i zbaton Komesari i Garave, si organi i autorizuar i garave nga ana e Bordit të FBK-së.

#### **Neni 13**

Komesari i Garave bën regjistrimin e të gjitha ndeshjeve të zhvilluara, përveç të atyre në të cilat është parashtruar ankesa.

Ndeshja në të cilën është parashtruar ankesa do të regjistrohet pas vendimit të marrur sipas ankesës.

#### **Neni 14**

Ankesa në ndeshje paralajmërohet me nënshkrimin e kapitenit të ekipit në protokollin e ndeshjes.

Plotësimet në ankesë i dorëzohen vëzhguesit të ndeshjes.

#### **Neni 15**

Duke vepruar sipas ankesës, Komesari i Garave ankesën mund ta miratojë apo ta refuzojë. Nëse ankesa miratohet, ndeshja anulohet dhe caktohet termini i ri për zhvillimin e ndeshjes.

Nëse ankesa refuzohet, Komesari i Garave do ta regjistrojë ndeshjen me rezultatin e arritur.

Ankesa e cila nuk është dorëzuar me kohë, refuzohet dhe nuk do të shqyrtohet.

Vendimin për ankesën e ndeshjes, Komesari duhet ta marrë më së voni 72 orë pas përfundimit të ndeshjes.

Në ndeshjet e Play-offit, turnetë finale apo tempojat e zhvillimit të ndeshjeve e cila kërkon reagim të shpejtë, Komesari i Garave vendimet duhet t'i sjellë në afat prej 24 orëve pas përfundimit të ndeshjeve, e me këtë duhet të dorëzohen të gjitha dokumentet e nevojshme (ankesa, deklaratat e akterëve, personave zyrtarë etj), duhet t'i dorëzohen Komesarit të Garave në afatin e cekur.

#### **Neni 16**

Njëherë ndeshja e regjistruar apo vendimi i marrë nuk mund të anulohet nga ana e organit të njëjtë.

#### **Neni 17**

Në vendimin e Komesarit të Garave është e lejuar ankesa në shkallën e dytë deri në Komisionin Arbitrar të FBK-së, e cila dorëzohet në afat prej tri (3) ditësh pas marrjes së vendimit.

Komisioni Arbitrar vendimin e merr në afat prej 48 orëve. Vendimi i Komisionit Arbitrar është përfundimtar dhe pa të drejtë ankese.

### **Neni 18**

Me Propozicionet e Garave detajisht është përcaktuar procedura e deponimit të ankesës, si dhe afatet e përcaktuara në rastin e ankesës.

Sipas Propozicioneve të Garave detajisht janë përcaktuar obligimet e organizatorit të ndeshjes, të cilat nuk mund të jenë në kundërshtim me dispozitat e kësaj Rregulloreje.

### **Neni 19**

Për të gjitha shkeljet e dispozitave të kësaj Rregulloreje dhe Propozicioneve të Garave, vendos Komesari i Garave, i cili mund të jap dënime për të gjitha rastet kur konstaton shkelje të kësaj Rregulloreje, Propozicioneve të Garave dhe Rregullores Disiplinore të FBK-së.

### **Neni 20**

Ndeshja e cila nuk është zhvilluar për shkaqe të arsyeshme:

- Ndërprerja e rrymës elektrike,
- Ndërprerja e komunikacionit,
- Fatkeqësive nga moti i ligë të vërtetuara nga enti shtetëror hidro-meteorologjik;
- Situatat e përcaktuara me ligj për fatkeqësitë natyrore (zjarri, përmbytjet, rreziku, etj);
- Epidemia e publikuar nga insitucioni i autorizuar shtetëror;

Nëse ndeshja është ndërprerë për shkak të defektit apo mosfunksionimit të aparaturës teknike në sallë, të cilat nuk mund të mënjahen apo të rregullohen, apo janë pasojë e fatkeqësive mbinatyrore, ndeshja duhet të zhvillohet brenda 24 orëve.

Ndeshja e ndërprerë do të vazhdohet nga momenti i ndërprerjes, nga rezultati i arritur, koha e mbetur e ndeshjes dhe rosteret e ekipeve të shënuara në protokoll të ndeshjes së ndërprerë.

### **Neni 21**

Klubi mund të kërkojë shtyrjen e ndeshjes së caktuar, nëse ka argument të arsyeshme të mbështetura me dokumente më së paku 3 ditë nga dita e zhvillimit të ndeshjes.

Në afat të shkurtër (3 ditë) është e lejuar shtyrja e ndeshjes vetem në këto raste:

21.1. Faktet e argumentuara për shtyrje;

21.2. Pëlqimi i lejmit në formë të shkruar nga ekipi kundërshtar;

21.3. Lejimi nga ana e Komesarit të Garave;

21.4. Shtyrja e ndeshjes nuk është e lejuar në afat më shkurtër se tri (3) ditë, nga dita e caktuar e zhvillimit të ndeshjes, përveç:

21.4.1. Nëse nga institucioni i autorizuar shtetëror është publikuar sëmundja nga epidemia.

## **4. PLASMANI I EKIPEVE**

### **Neni 22**

Plasmani i ekipeve në gara përcaktohet në bazë të Rregullave zyrtare të lojës, Propozicioneve të Garave. Në përputhje me suksesin në garën e caktuar, ekipet kalojnë prej një rangu në rangun tjetër. Në rast që klubi i një rangu të caktuar heq dorë nga garat para fillimit të kampionatit apo vjen deri te zgjerimi i Ligës për mënyrën e plotësimit eventual vendos Bordi i FBK-së në bazë të propozimit të Këshillit Profesional.

Me sistemin e garave përcaktohet mënyra e përcaktimit të kampionit, rëniet nga ligat dhe plotësimet e tyre në të gjitha nivelet e garave, si dhe plasmani i ekipeve në garat ekipore evropiane.

Gjithashtu, me sistemin e garave përcaktohet edhe mënyra e fituesit të Garave te Kupës së Republikës së Kosovës.

### **Neni 23**

Në varshmëri nga sukcesi në gara, ekipet kalojnë nga niveli më i lartë në nivel më të ulët dhe nga niveli më i ulët në atë më të lartë. Skuadra e cila në fund të sezonit kalon në nivel më të ulët, në sezonin e ardhshëm nuk mund të kthehet, gjegjësisht të garojë në nivelin e njëjtë të garave, përveç nëse dështon pjesëmarrja e ekipit nga niveli më i lartë ose përcaktohen kushte për Wild Card nga Bordi i FBK-së.

Ekipi i cili është përjashtuar nga garat para fillimit apo gjatë sezonit (edicionit) së garave, nuk mund në sezonin (edicionin) e ardhshëm të kthehet dhe të garojë në nivelin e njëjtë, përveç nëse përcaktohen kushte për Wild Card nga Bordi i FBK-së.

## **5. ORGANIZATORI I NDESHJES**

### **Neni 24**

Organizator i ndeshjes është ekipi i cili luan në sallën e vet apo i cili duhet të luajë në sallën e vet, nëse për shkak të arsyeve të caktuara i është caktuar ndonjë salle tjetër, e cila duhet të jetë e regjistruar për atë nivel të garave.

Organizatori është përgjegjës për zbatimin e organizimit të ndeshjes konform kësaj Rregulloreje, Propozicioneve të Garave, Ligjit mbi tubimet publike dhe Ligjit për Huliganizëm i cili është në procedurë të miratimit.

## **6. E DREJTA E GARIMIT**

### **Neni 25**

Në lojërat zyrtare të kampionatit dhe të Kupës të drejtë paraqitjeje për ekipin e caktuar kanë të gjithë lojtarët-et të cilët (cilat) posedojnë licencën e lëshuar nga Komesari i Garave. Parakusht për lëshimin e licences është kontrollimi i kryer mjekësor.

- Në edicionin garues 2020-2021 çdo ekip i Superligës duhet të ketë në përbërje më së paku 3 lojtarë të lindur në vitin 2001 ose më të rinj.

- Në rast të mosrespektimit të nenit 11.5. Klubi:

- Në rastin e parë do të dënohet me para në shumë prej 400,00€.

- Me rastin e përsëritjes do të dënohet me para në shumë prej 600,00€.

- Për përcjelljen dhe kontrollimin e 3 lojtarëve të lindur 2001 ose më të rinj të cilët duhet të jenë në listë paraqitëse përgjegjës është VËZHGUESI, i cili në rast se nuk janë paraqitur 3 lojtarë është i obliguar që menjëherë të kontaktojë klubin dhe t'i njoftojë ata për mosrespektimin e udhëzimit të Propozicioneve të Garave.

- Klubet që për gjatë tërë edicionit 2020-2021 nuk dëshirojnë të respektojnë këtë udhëzim duhet të paguajnë shumën prej 2.000.00 në llogari të FBK-së për zhvillimin e gjeneratave të reja.

- Paraqitja e 3 lojtarëve në Listën Paraqitëse të lindur në vitin 2001 e më të rinj është e OBLIGUAR edhe në ndeshjet e Final 8-Final 4 të Kupës dhe në ndeshjet e Play-off-it.

- Nga edicioni 2020-2021 të gjitha klubet e Superligës kanë të drejtën e regjistrimit deri të 1 lojtari nga FSHB (Shqipëria), i cili do të ketë statusin e lojtarit vendor. Për regjistrimin e lojtarit nga FSHB në klubet e Superligës, skuadrat janë të obliguara të kërkojnë nga FBK pajisjen me LOC. PAGESA për regjistrim të lojtarit nga FSHB është 300 euro.

## **Neni 26**

Për çdo edicion garues, Bordi i FBK-së mund të caktojë kufirin e moshës për të drejtë garimi në ligën e Parë dhe të Dytë të meshkujve.

## **Neni 27**

Në garat në kompetencë të Federatës, mund të marrin pjesë klubet. Në rangjet garuese të seniorëve një klub, mund të marrë pjesë me vetëm një ekip. Në rangjet garuese të juniorëve (U18) kadetëve (U16) dhe pionerëve (U14) klubi mund të marrë pjesë me nga dy skuadra. Klubi mund të bartë të drejtën e pjesëmarrjes në rangun e caktuar të garave, në klubin tjetër në përputhje me rregulloret përkatëse të Federatës.

## **Neni 28**

Në garat në kompetencë të Federatës, klubet me shkrim, në formularin e caktuar nga Sekretari i përgjithshëm i Federatës, lajmërohen për gara në të cilat në bazë të plasmanit kanë realizuar të drejtën e garimit.

Çdo ekip i Superligës për meshkuj është i obliguar që më ekipet e juniorëve, kadetëve dhe pionerëve të marrë pjesë në garat e Federatës.

Ekipi së bashku me formularin e paraqitjes, duhet ti paraqet edhe dëshmitë për plotësimin e kushteve për pjesëmarrje në gara, të përcaktuara me Ligje, akte nënligjore, Rregulla të FIBA-s, Propozicione të Garave dhe Vendime të Bordit.

Nëse Ekipi deklaron se nuk do të marrë pjesë në gara ose nuk deklarohet deri në afatin e caktuar nga Bordi i FBK-së për pjesëmarrje në gara, Bordi mund t'i caktojë ekipit afat plotësues për paraqitje në gara.

Ekipi i cili tërhiqet nga garat pas paraqitjes, bie në një rang më të ulët se rangun në të cilin është dashur të luajë.

Ekipi me formularin e paraqitjes, duhet ta dorëzojë edhe vendimin e Komisarit të Garave për Regjistrimin e objektit sportiv në të cilën do t'i zhvillojë ndeshjet.

Ekipi i cili nuk garon një edicion të garave ose tërhiqet nga garat gjatë edicionit dhe nuk paraqitet për edicionin e ri të garave, fshihet nga regjistri i ekipeve dhe i humb të drejtat të cilat i takojnë ekipeve të regjistruara.

### **Neni 29**

Federata është e liruar nga çdo përgjegjësi për organizimin e ndeshjeve kampionale.

### **Neni 30**

Me qëllim të ruajtjes së integritetit sportiv të garave të basketbollit, Federata ka të drejtë të intervenojë dhe të marrë hapa konkretë në çdo situatë, në të cilën një person është në pozitë që të ndikojë në udhëheqje, administratë të më shumë se një klubi.

### **Neni 31**

Asnjë ekip i cili merr pjesë në gara nën organizimin e Federatës nuk mundet të jetë aksionar në klubin tjetër. Asnjë person fizik ose juridik nuk ka të drejtë që në të njëjtën kohë, në çfarëdo cilësie të marrë pjesë në udhëheqjen administrative ose sportive të ekipit tjetër.

Pronari i ekipit privat nuk ka të drejtë që në të njëjtën kohë të jetë aksionar në dy klube.

Përjashtim nga paragrafi 2 dhe 3 i këtij neni, bëjnë rastet kur kemi të bëjmë me ekipet e gjinive të ndryshme.

### **Neni 32**

Skuadra e cila do të paraqitet me lojtarë të regjistruar në mënyrë jo të rregullt apo të paregjistruar me lojtarë të cilët janë nën masën e suspendimit apo të vuajtjes së dënimit, humb ndeshjen me rezultat zyrtar 2:0 dhe nuk merr pikë të paraparë për humbje.

### **Neni 33**

Ekipi i cili aktivizon lojtarin e licencuar, i cili njëkohësisht luan edhe për ndonjë skuadër tjetër jashtë Kosovës humb ndeshjen me rezultat zyrtar 0:20 dhe i takon zero (0) pikë.

### **Neni 34**

Ekipi i cili është i dënuar me dënim të paraqitjes në ndeshje, nuk guxon të paraqitet dhe humb ndeshjen me rezultat zyrtar 2:0 dhe nuk merr pikë të paraparë për humbje.

#### **Neni 35**

Ekipi i cili pa arsye nuk paraqitet në ndeshje, humb ndeshjen me rezultat zyrtar 20:0 dhe nuk merr pikë të paraparë për humbje.

#### **Neni 36**

Ekipi që në një edicion garues humb dy (2) ndeshje me rezultat zyrtar do të largohet nga garat e mëtutjeshme dhe në vitin e ardhshëm garues nuk mund të paraqitet në të njëjtën nivel të garave.

#### **Neni 37**

Ekipi që e braktisë në mënyrë arbitrare fushën e lojës para përfundimit të ndeshjes dhe nuk kthehet për vazhdimin e ndeshjes pas kohës së Time-out të mbetur për atë periudhë apo në ftesë të gjyqtarit të parë, do të largohet nga garat e mëtutjeshme dhe në edicionin e ardhshëm garues do të bëjë gara në një shkallë më të ulët të garave.

#### **Neni 38**

Nëse ekipi pa arsye nuk paraqitet për zhvillimin e ndeshjes së play-offit apo “më i mirë nga tri-pesë ndeshje” në mënyrë arbitrare e braktisë fushën dhe nuk kthehet për të vazhduar ndeshjen në ftesë të gjyqtarit të parë, i humb të gjitha ndeshjet në fazën e garave të play-off-it dhe në edicionin e ardhshëm garues do të bëjë gara në një shkallë më të ulët të garave.

#### **Neni 39**

Nëse ekipi pa arsye nuk paraqitet për zhvillimin e ndeshjes së play-offit apo e braktisë ndeshjen “më i mirë nga pesë ndeshje” (ndeshja do të regjistrohet 20:0 në favor të ekipit kundërshtar) do të dënohet me 5.000€, kurse me rastin e përsëritjes (gjatë një edicioni) do të dënohet me 10.000€ dhe i humb të gjitha ndeshjet në fazën e mbetur të garave të play-off-it dhe në edicionin e ardhshëm garues do të bëjë gara në një shkallë më të ulët të garave.

#### **Neni 40**

Nëse skuadra është larguar nga gara për shkak të dy (2) ndeshjeve të humbura me rezultat zyrtar (0:20) ose i braktisë garat dhe deri në çastin i ka zhvilluar gjysmën ose më tepër së gjysmën e ndeshjeve rezultatet e arritura janë të vlefshme, ndërsa ndeshjet vijuese regjistrohen me rezultat zyrtar 2:0 në të mirë të skuadrave kundërshtarë. Nëse skuadra i ka zhvilluar më pak se gjysmën e ndeshjeve, atëherë rezultatet e arritura anulohen (fshihen) dhe të gjitha regjistrohen me rezultat zyrtar 2:0 në të mirë të skuadrave kundërshtarë.

**Neni 41**

Dispozitat e cekura në nenet 34, 35, 36 dhe 37 do të zbatohen edhe nëse ekipi do t'i braktisë garat e mëtutjeshme.

**Neni 42**

Nëse vëzhguesi dhe gjyqtarët marrin vendim mbi ndërprerjen e ndeshjes pasi nuk eksitojnë kushtet mbi vazhdimin e saj për shkak të tollovisë (tifozeve) të shkaktuara, atëherë ndeshja regjistrohet me rezultat zyrtar 20:0 në të mirë të skuadrës mike, ndërsa skuadrës vendase i takon zero (0) pikë, me përjashtim nëse në mënyrë të pakontestueshme vërtetohet se ndërprerja është shkaktuar me fajin e skuadrës mike. Në këtë rast skuadra mike e humb ndeshjen me rezultat zyrtar 0:20 dhe i takon zero (0) pikë.

Ndeshja e ndërprerë për shkak të incidentit të shkaktuar nga ana e lojtarëve dhe përfaqësuesve zyrtarë të ndeshjes, do të regjistrohet me rezultat 2:0 kundër ekipit që ka shkaktuar ndërprerjen e ndeshjes dhe nuk merr pikë të paraparë për humbje.

**Neni 43**

Nëse skuadra gjatë lojës mbetet me më pak se dy (2) lojtarë në fushë e humb ndeshjen për shkak të mos përfundimit të lojës.

Nëse skuadra, e cila në këtë mënyrë e fiton ndeshjen nuk udhëheq në rezultat, atëherë ndeshja regjistrohet me rezultat 2:0 në të mirë të saj.

Nëse skuadra e cila në këtë mënyrë e fiton ndeshjen udhëheq në rezultat, atëherë rezultati deri në kohën e ndërprerjes mbetet i vlefshëm.

Skuadra e cila e humb ndeshjen në këtë mënyrë e fiton një (1) pikë në tabelën e klasifikimit.

**Neni 44**

Nëse Komesari i Garave (organi i cili udhëheq garat), në procedurën e zbatuar, në mënyrë të pakontestueshme e vërteton se rezultati i ndeshjes në mes të dy skuadrave është kurdisur, atëherë të dyja skuadrat largohen nga garat dhe bien në një nivel më të ulët të garave.

**Neni 45**

Ekipet janë të obliguara që dënimet me të holla (monetare) të publikuara në informatorë t'i paguajnë në llogarinë e FBK-së në afat të caktuar pas publikimit të dënimeve në informatorin, që e boton Komesari i Garave i rangut përkatës.

Nëse obligimet financiare të klubit nuk përmbushen në afatin e caktuar, klubi automatikisht do të suspendohet dhe nuk ka të drejtë paraqitjeje deri në përmbushjen e obligimeve financiare.

Gjatë kohës së suspendimit të gjitha ndeshjet do të regjistrohen me rezultat zyrtar për skuadrën kundërshtarë dhe nuk merr një (1) pikë të paraparë për humbje.

Në rast se dy ekipe nuk i kanë përmbushur obligimet financiare dhe të njëjtat duhet të zhvillojnë ndeshjen në mes veti, do të suspendohen deri në përmbushjen e obligimeve, ndeshja do të regjistrohet me rezultat 2:0 kundër të dy ekipeve dhe nuk do të marrin një (1) pikë të paraparë për humbje.

#### **Neni 46**

Ekipi e cila nuk do t'i përmbushë obligimet financiare ndaj FBK-së të të shqiptuara nga Komesari i Garave, apo organeve tjera të FBK-së, nuk mund të garojë në sezonin (edicionin) e ardhshëm, gjegjësisht derisa t'i përmbushë të gjitha obligimet financiare.

## **7. PERSONAT ZYRTARË NË NDESHJE**

### **Neni 47. Vëzhguesi, Gjyqtarët dhe Gjyqtarët ndihmës**

Personat zyrtarë në ndeshje janë Vëzhguesi, Gjyqtarët dhe gjyqtarët ndihmës.

Për ndeshjet kampionale dhe të Kupës, Komesari i Garave bën caktimin e Vëzhguesit të ndeshjes nga lista e aprovuar e vëzhguesëve nga ana e Bordit të FBK-së në propozim të Komesarit të Garave.

Vëzhguesi i ndeshjes përfaqëson organin i cili udhëheq me gara - Komesarin e Garave.

Obligim i vëzhguesit të ndeshjes është që të kontrollojë zbatimin e dispozitave të parapara për zhvillimin e ndeshjes, kurse në bashkëpunim me gjyqtarët duhet të sigurojë që ndeshja të zhvillohet në kushte të rregullta.

Për ndeshjet kampionale dhe të Kupës, Komesari i Garave bën caktimin e gjyqtarëve për ndeshje, nga lista e gjyqtarëve e aprovuar nga ana e Bordit të FBK-së, në propozim të Shoqatës së Gjyqtarëve.

Gjyqtarët janë të autorizuar për marrjen e vendimeve lidhur me Rregullat e lojës së basketbollit të lëshuar nga FIBA.

Gjyqtarët ndihmës në ndeshje Kampionale dhe të Kupës i cakton ekipi vendas.

Komesari i Garave mund të caktojë kontrollën e gjykimit të ndeshjes për të cilën mendon se ka nevojë.

### **Neni 48 Personat zyrtarë të ekipeve**

Persona zyrtarë të ekipeve në ndeshje, janë të gjithë ata persona të cilët janë të licencuar si të tillë, nga organi kompetent i garave. Personi zyrtar (drejtori sportiv i ekipit), i licencuar nga organi kompetent i garave mund të ulet në bankën për lojtarët rezervë, në bazë të dispozitave të propozicioneve të garave. Personi zyrtar i ekipit vendas është i obliguar që dy (2) orë para fillimit të ndeshjes të jetë prezentë në palestrën sportive, në të cilën do të zhvillohet ndeshja.

## **8. DISPOZITAT PËRFUNDIMTARE**

**Neni 49**

Të gjitha çështjet tjera të cilat nuk janë paraparë me këtë rregullore dhe Rregullat zyrtare të basketbollit, do të përcaktohen me Propozicionet e Garave.

**Neni 50**

Ndërrimet dhe plotësimet e kësaj Rregulloreje miratohen sipas procedurës së njëjtë të aprovimit të tyre.

**Neni 51**

Interpretimin e kësaj Rregulloreje e jep Bordi i FBK-së, në mënyrë direkte apo nëpërmjet të Komisioneve të tij.

**Neni 52**

Kjo Rregullore hyn në fuqi me miratimin e saj nga ana e Bordit të FBK-së.

Komesari  
Kryetari  
Faton Kurshumlija  
Fetahu



Garave

Arben

Federata e Basketbollit të Kosovës